

Պատարագիչ քահանան
Շարունակությունը՝ 2-րդ էջում)

ԽՈՐՀՐԴԱՐԱՆ

ՕՐԻՆԱՆԱԽԱԳԾԵՐԸ ԱՌՆՉՎՈՒՄ ԵՆ ԿԵՆՍԱԿԱՆ ՆՇԱՆԱԿՈՒԹՅԱՆ ՀԱՐՑԵՐԻՆ

(Սկիզբը՝ 1-ին էջում)

կան ծառայությունից տարկետում նրանց համար, ովքեր դպրոցն ավարտելուց անմիջապես հետո գրանցվել են Միասնական ազգային քննություններին մասնակցելու համար:

ՀԱՆՐԱԳՈՒՄԱՐԱՅԻՆ ՊԱՏԺԻ ՍԿԶԲՈՒՆՔԸ ՄԱՍՆԱԿԻ ՎԵՐԱՉՎՈՒՄ Է

Բարձրագույն օրենսդիր մարմինը երկրորդ ընթերցմամբ ընդունել է քրեական օրենսգրքում կատարվելիք ուղղումները: Դրանցով նախատեսվում է մասնակիորեն վերացնել պատիժների հանրազուներարային սկզբունքը՝ դատավճիռ կայացնելիս:

Օրինագծի համաձայն, եթե անձը կատարել է մի քանի հանցագործություն, ապա պատժամիջոցը կընտրվի առավել ծանր հանցագործության հոդվածով: Ընդ որում, կրկնակի հանցագործության դեպքում կարող է գործել հանրազուներարային սկզբունքը:

Եթե քննությունը պարզի, որ դատապարտյալը կատարել է եւս մեկ հանցագործություն, դատարանը կարող է նշանակել լրացուցիչ պատիժ: Մասնավորապես, եթե բացահայտված հանցագործությունը լինի ավելի ծանր, քան այն, որի կապակցությամբ մարդը դատապարտվել է, ապա առաջին ժամկետին կավելացվի տարբերությունը: Եթե նոր հանցագործությունը պակաս ծանր է կատարածից, եւ քիչ է նաեւ պատժի ժամկետը, քան առաջին դեպքում, ապա պատժամիջոցը չի փոխվի:

Քրեական օրենսգրքում կատարված ուղղումները հետագարժ ուժ կունենան այն բանտարկյալների կապակցությամբ, ում նկատմամբ դատավճիռ կայացվել էր մինչեւ ուղղումների կիրարկումը:

ԱՐԴԱՐԱԴԱՏՈՒԹՅԱՆ ԽՈՐՀՈՐԴ

Խորհրդարանը երրորդ ընթերցմամբ հաստատել է ընդհանուր դատարանների մասին օրենքում կատարվելիք, ընդ որում՝ վերանշակված փոփոխությունները: Դրանք նախատեսում են նաեւ փոխել Արդարադատության բարձրագույն խորհրդի կազմավորման կանոնները: Հետայսու Արդարադատության խորհուրդը կընտրվի հետեւյալ կերպ. խորհրդի 6 անդամներին կընտրի խորհրդարանը, իսկ մնացած 8-ին՝ դատավորների խորհրդաժողովը: Խորհրդի 15-րդ անդամը կլինի Գերագույն դատարանի նախագահը: Խորհրդարանը 2013 թվականի մարտին արդեն քվեարկել էր

վերոնշյալ օրենսդրական փոփոխությունների օգտին, սակայն դրանից հետո նախագիծը մեկ անգամ եւս վերանայվեց, որպեսզի այն ավելի մեծ չափով համապատասխանի Վեցետիկի հանձնաժողովի հանձնարարականներին:

ՖԻՆԱՆՍԱԿԱՆ ՀԱՄԱՆԵՐՈՒՄ ԵՎ ԲԻԶՆԵՍ-ՀԱՆՁՆԱԳՈՐԾՈՒԹՅԱՆ ԱՊԱՔԵՄԱԿԱՆԱՑՈՒՄ

Խորհրդարանի նյութային էկոնոմիկայի եւ տնտեսական քաղաքականության կոմիտեն քննարկել է օրինագիծ, որը վերաբերում է ֆինանսական համաներմանը եւ բիզնես-հանցագործության ապաքրեականացմանը: Նախագիծը նախածեռնել է փոքրամասնության անդամ Զուրաբ Ջափարիձեն:

Ջափարիձեն պարզաբանել է, որ նախագծով ենթադրվում է ֆինանսական համաներում այն խախտումների համար, որոնք կատարվել են մինչեւ 2013 թվականի հունվարի 1-ը: Նա նշել է, որ, եթե ընկերությունները ենթարկվել են տուգանքի, ապա, ըստ օրինագծի, նրանք ազատվում են այդ տուգանքից:

Նախագծում նախատեսվում է նաեւ ֆինանսական խախտումների ապաքրեականացում, այսինքն՝ այդ կարգի խախտումների համար պետությունը մարդկանց չի ենթարկի բանտարկության:

Ֆինանսների նախարար Նոդար Խաղոտին արձագանքել է վերոնշյալ օրինագծին՝ հայտարարելով, որ «մեզ համար անընդունելի է հայտարարել ընդհանուր համաներում գործարարության կապակցությամբ»:

ՔՆՆԱՐԿՎՈՒՄ Է ԱՇԽԱՏԱՆՔԱՅԻՆ ՆՈՐ ՕՐԵՆՍԳԻՐՔ

Բարձրագույն օրենսդիր մարմինը ձեռնամուխ է եղել Աշխատանքային նոր օրենսգրքի քննարկմանը: Վրաստանի արհմիությունների միավորման նախագահ Իրակլի Պետրիաշվիլին հայտարարել է, որ Աշխատանքային օրենսգրքում կատարվելիք փոփոխությունների 70 տոկոսը նախածեռնել են արհմիությունները:

Նա ասել է, որ օրենսգրքում գլխավոր ուղադրությունը պետք է նվիրվի զենդերային հարցերին, կանանց աշխատանքին, նաեւ պետք է փոխվեն դեկրետային արձակուրդի պայմանները, իսկ կատարվելիք փոփոխությունները չպետք է վնաս հասցեն ոչ գործատուին, ոչ էլ՝ աշխատանքի ընդունված անձանց:

Օրենսգրքում կատարվելիք փոփոխություններն արդեն քննարկել են խորհրդարանի իրավաբանական եւ ընթացակարգերի կոմիտեները:

ՎԻՃԱԿԱԳՐՈՒԹՅՈՒՆ

ՑԱՆԿԱՆՈՒՄ ԵՄ ԱՊԱՍՏԱՆԵԼ ԵՎՐՈՊԱՅՈՒՄ

Անցյալ տարի Վրաստանի 10 հազար 611, իսկ Հայաստանի 4450 քաղաքացիներ ապաստարան են խնդրել եվրոպական երկրներում:

Այդ մասին ասված է ՄԱԿ-ի փախստականների գործերով զվխավոր կոմիսարի վարչության զեկուցագրում:


Եվրոպայում ապաստանելու խնդրանքով, դիմողների շարքում ԱՊՀ երկրներից առաջատար են Ռուսաստանը (20522 դիմում, աշխարհում չորրորդ տեղը), Վրաստանը (10611 դիմում, տասներորդ տեղը), Հայաստանը (4450 դիմում, 22-րդ տեղը,

Ադրբեջանը (2015 դիմում, 34-րդ տեղը):

Միջազգային պաշտպանության խնդրանքով, դիմողների շրջանում առաջին տեղը զբաղեցնում են Աֆղանստանի քաղաքացիները: Նրանց կողմից տրվել է 36600 դիմում, երկրորդ տեղում Սիրիան է:

Ընդհանուր առմամբ, Եվրոպայի 38 երկրներում ապաստարան ստանալու խնդրանքով 2012 թվականին դիմել է 355500 մարդ:

Ե վ ը ո - պական երկրների թվում բոլորից շատ դիմում ներկայացվել են Գերմանիայի, Ֆրանսիայի քաղաքացիության համար: Թեպետ 2012 թվականին ապաստարանի խնդրանքով բոլորից շատ դիմում ներկայացվել է ԱՄՆ-ին՝ 84400:



Թեկան արժեզրկումը Վրաստանում կազմել է 2,1 տոկոս:

Այս մասին հաղորդել են «Վրացվիճակագրությունից»:

Մեկ տարվա ընթացքում, տվյալ ցուցանիշի կազմավորման

ԱՐԺԵԶՐԿՈՒՄ. ՏԱՐԵԿԱՆ ՑՈՒՑԱՆԻՇԸ

վրա հիմնականում ազդել են գների փոփոխությունները պարենի եւ ոչ ալկոհոլային խմիչքների խմբում, որտեղ գները նվազել են 3,1 տոկոսով, բանջարեղենի՝ 14 տոկոս, շաքարի, ջեմի եւ այլ քաղցրավենիքի խմբում՝ 7,8 տոկոս եւ այլն: Կաթի, պան-

րի եւ ձկնի գները բարձրացել են 1,9 տոկոսով: Գների նվազեցում գրանցվել են էլեկտրաէներգիայի, գազի եւ մյուս վառելանյութերի խմբում՝ 11,5 տոկոս: Բնակարանի հետ կապված այլ սպասարկումները կրճատվել են 7,9 տոկոսով:

ԶԱՏԻԿ

ՍՈՒՐԲ ՊԱՏԱՐԱԳՆԵՐ ՄԱՅՐ ԱԹՈՒ ՍՈՒՐԲ ԷԶՄԻԱՇՆՈՒՄ ԵՎ ՎԻՐԱՀԱՅՈՋ ԹԵՄՈՒՄ

(Սկիզբը՝ 1-ին էջում)

Հնորիակալական խոսքեր ուղղեց Վրաստանի պաշտոնյա այրերին, ովքեր ի նշան հարգանքի եկել էին վիրահայությանը Հնորիակորելու Հիսուս Քրիստոսի հրաշափառ Հարության տոնի առիթով:

Նախօրեին մարտի 30-ի երեկոյան, Թբիլիսիի Սուրբ Էջմիածին եկեղեցում մատուցվեց ճրագալույցի Սուրբ Պատարագ: Հավարտ Պատարագի, Թբիլիսիի Առաջնորդանիստ Սուրբ Գեւորգ եկեղեցու հոգեւոր հովիվ Տեր Նարեկ քահանա Ղուշչյանը ազդարարեց Փրկչի հրաշափառ Հարության ավետիսը:

ԲԱԹՈՒՄ

Տոնական օրերին ուխտավորագնաց այցելությամբ Աջարիայում էր գտնվում Վիրահայոց թեմի առաջնորդ Տեր Վազգեն եպիսկոպոս Միրզախանյանը: Սրբազան հոր հանդիսապետությամբ շաբաթ օրը Բա-

թումիի «Սուրբ Փրկիչ» եկեղեցում մատուցվեց ճրագալույցի Սուրբ Պատարագ:

Կիրակի օրը, բազում հավատացյալների մասնակցությամբ, Սուրբ Հարության տոնի առիթով Վիրահայոց թեմի առաջնորդ Տեր Վազգեն եպիսկոպոս Միրզախանյանը Բաթումիում, «Սուրբ Փրկիչ» եկեղեցում, մատուցեց տոնական Սուրբ Պատարագ:


Պատարագի ընթացքում Սրբազան հայրն ընթերցեց Սուրբ Հարության տոնի առիթով Ն.Ս.Օ.Տ.Տ. Գարեգին Բ Ամենայն Հայոց կաթողիկոսի հայրապետական պատգամն ու օրհնությունը՝ հղված աշխարհափյուռ հայ ժողովրդին՝ ավետելով «Քրիստոս յարեաւ ի մեռելոց»:

Տեր Հիսուս Քրիստոսի հրաշափառ Հարության տոնի առիթով մարտի 31-ին Ձատկական տոնի արարողություններ կատար-



վեցին Ախալքալաքի լեփ-լեցուն եկեղեցում, որտեղ Սանցիե-Ջավախեթի ընդհանուր առաջնորդական փոխանորդ Տեր Բաբգեն արեղա Սալբիյանը մատուցեց Տոնական Պատարագ:

Ձատկական Սուրբ պատարագներ մատուցվեցին նաեւ Ախալցխիսի, Ծալկայի, Ասպինձայի եւ Վրաստանի այլ շրջաններում գտնվող 46 հայկական եկեղեցիներում:



ՎԱՏԻԿԱՆ

ՀՆՈՐՀԱՎՈՐԱՆՔ՝ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹԻՎ

Հռոմի Ֆրանցիսկոս Պապն իր ընտրվելուց հետո առաջին հուզառատ պատգամն է հղել աշխարհին Ջուրբ Ջատկի կամ Սուրբ Հարության տոնի առթիվ: Վատիկանի Սուրբ Պետրոսի տաճարի պատշգամբից Ֆրանցիսկոս պապը Urbi et Orbi (Քաղաք եւ աշխարհ) պատգամով խաղաղություն է խնդրել Աֆրիկայի, Ասիայի, Մերձավոր Արեւելքի եւ համայն աշխարհի համար:

Պատարագը մատուցելուց հետո, Հռոմի Պապը շնորհավորել է բոլոր կարդինալներին եւ մեքենայով անցել Սուրբ Պետրոսի հրապարակով, ողջունել շուրջ 250 հազար հավատացյալի:

ՖՐԱՆՍԻԱ

ԿՏՐՈՒԿ ՆՎԱԶԵԼ Է ՆԱԽԱԳԱՀԻ ՎԱՐԿԱՆԻՇԸ

Ֆրանսիայի նախագահ Ֆրանսուա Օլանդի ժողովրդականության մակարդակը երկրում ապրիլի սկզբին նվազել է՝ հասնելով 27 տոկոսի եւ շարունակում է նվազել: Մարտին եւ ապրիլի սկզբին Օլանդը կորցրել է նախկինում իրեն աջակցած ձախ կուսակցության ընտրողների ձայները:

Ավելի վաղ հաղորդվել էր, որ նախագահության 10 ամիսների ընթացքում Ֆրանսուա Օլանդի վարկանիշը 1981թ. բոլոր ֆրանսիացի նախագահների շարքում ամենացածր ցուցանիշն է եղել:

Ըստ ֆրանսիական ԶԼՄ-ների, Ֆրանսիայի նախագահի վարկանիշի անկման հիմնական պատճառը շարունակվող տնտեսական ռեցեսիան է, արտադրության կրճատումը եւ գործազրկության բարձր մակարդակը:

ԻՍՐԱՅԵԼ

ՕՂԱՅԻՆ ՀԱՐԿԱԾՆԵՐ ԳԱԶԱՅԻ ՀԱՏՎԱԾԻՆ

Իսրայելական օդային ուժերը, 2012թ. նոյեմբերի զինադադարից հետո, առաջին անգամ հարվածել են Գազայի հատվածի ուղղությամբ: Օդանավերը ռմբակոծել են Գազայի հյուսիսային ազատ շրջանները, որոնցից, բարեբախտաբար, ոչ ոք չի տուժել: Իր հերթին, իսրայելական բանակի մամուլի քարտուղարը պարզաբանել է, որ իսրայելական կողմը պատասխանել է Գազայի հատվածից Իսրայելի հարավային շրջաններին ուղղված երեք հրթիռներին: Դրանով պաղեստինցիներն իրենց բողոքն են արտահայտել Իսրայելի բանտում պաղեստինցի ձերբակալված Մայսրա Աբու Համդի մահվան կապակցությամբ:

2012թ. նոյեմբերին եգիպտոսի նախագահ Մուհամմադ Մուսսիի միջնորդությամբ, Իսրայելի եւ Պաղեստինի միջեւ ութօրյա ռազմական գործողություններից հետո, համաձայնություն էր կնքվել կրակը դադարեցնելու վերաբերյալ: Ստու մեկ շաբաթ տեւած բախումների հետեւանքով զոհվել էր 166 պաղեստինցի եւ 6 իսրայելցի:

ԱՐԳԵՆՏԻՆԱ

ԵՌՕՐՅԱ ՍՈՒԳ՝ ԶՐՀԵՂԵՂԻ ԶՈՐԵՐԻ ՀԻՇԱՏԱԿԻՆ

Արգենտինայում եռօրյա համազգային սուգ է հայտարարվել՝ ի հիշատակ այն ջրիեղեղների զոհերի, որոնք վերջին օրերին մոլեգնում էին Բուենոս Այրեսում, Լա Պլատա նահանգում եւ համաճար քաղաքում, որը գտնվում է երկրի մայրաքաղաքից 60 կիլոմետր հեռավորության վրա:

Ըստ վերջին տվյալների, Լա Պլատա քաղաքում ջրիեղեղի հետեւանքով զոհվել է 48 մարդ, եւս վեցը տարերքի զոհ է դարձել երկրի մայրաքաղաքում: Բնակչությանն օգնելու համար գործի են դրվել բանակային ստորաբաժանումներ, կազմակերպվել է խմելու ջրի եւ տաք սննդի բաշխումը: Իշխանությունները հայտարարել են տների վերականգնման համար արտոնյալ վարկեր տրամադրելու մասին:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՈԱԶՄԱՎԱՐԱԿԱՆ ՏԵՍՈՒԹՅՈՒՆ



ՓԱՍՏԱԹՈՒԴԹԸ ՆԵՐԿԱՅՆՎԵԼ Է ՆԱԽԱԳԱՀԻ ՍՏՈՐԱԳՐՄԱՆԸ

Վրաստանի պաշտպանության նախարարությունն ավարտել է աշխատանքը ռազմավարական տեսության փաստաթղթի կապակցությամբ:

Այս մասին հայտարարել է Վրաստանի պաշտպանության նախարար Իրակլի Ալասանիան: Նախարարը հաղորդել է, որ փաստաթուղթը ստորագրելու համար ներկայացված է Վրաստանի նախագահ Սիխե-իլ Սաակաշվիլուն:

«Տվյալ փաստաթղթի ստորագրումից հետո կստեղծվեն ոչ կառավարական կազմակերպությունների մասնակցությամբ երեք խումբ, որոնք կա-

պահովեն բարեփոխումների մոնիտորինգը նախարարությունում, քանի որ մենք մտադիր ենք ապահովել ժողովրդական վերահսկողություն նախարարության աշխատանքի նկատմամբ», - ասել է Ալասանիան ընդգծելով, որ կապահովի իր գերատեսչության աշխատանքի «լիակատար թափանցիկությունը» ոչ կառավարական կազմակերպությունների համար:



ՇՆՈՐՀԱՎՈՐԱՆՔՆԵՐ ԶԱՆՐԱՔՎԵԻ ԱՆՑԿԱՑՄԱՆ ԿԱՊԱԿՑՈՒԹՅԱՄԲ

1991 թվականի մարտի 31-ին, Վրաստանի անկախության հարցով անցկացված հանրաքվեի 22-րդ տարեդարձի կապակցությամբ, Վրաստանի նախագահ Սիխեիլ Սաակաշվիլին եւ վարչապետ Բիծինա Իվանիշվիլին շնորհավորական ուղերձ են հղել երկրի բնակչությանը:

Ընդգծելով հանրաքվեի պատմական նշանակությունը՝ երկրի ղեկավարները վստահություն են հայտնել, որ 22 տարի առաջ ժողովրդի կողմից պաշտպանված երկրի անկախության գաղափարն իր կոնկրետ մարմնավորումը կգտնի Վրաստանի հզորացման եւ բարգավաճման գործում:

ԱՊՐԻԼԻ 19-ԻՆ «ԱԶԳԱՅԻՆՆԵՐԸ» ԾՐԱԳՐՈՒՄ ԵՆ ԶԱՆՐԱՅԱՎԱՔԸ

Ապրիլի 19-ին «Սիսանական ազգային շարժումը» ծրագրում է լայնածավալ հանրահավաքի անցկացում: Ինչպես հայտարարեց «Ազգային շարժման» գլխավոր քարտուղար Վանո Սերաբիշվիլին, ապրիլի 19-ից հետո Վրաստանում քաղաքական իրավիճակը արմատապես կփոխվի: «Ազգային շարժումը գոյություն ունի, պայքարում է, եւ ապրիլի 19-ին դրանում բոլորը կհամոզվեն ու շատ նորություններ կհնարեն: Ապրիլի 19-ը կլինի նորությունների եւ անակնկալների օր», - հայտարարել է Վանո Սերաբիշվիլին:

ԲԶՋԱՅԻՆՆԵՐԸ՝ ԶԱԳԵՑՎԱԾ ԿՈՄՍԻՏՈՆ ԶԱՐԿԵՐՈՎ

Փոխվել են հեռախոսային սպասարկումների համար շտապ համալրման սարքերից օգտվելու պայմանները: Ինչպես տեղեկացրել են «Մագտիկոմ» ընկերությունից, ապրիլի 1-ից բջջային օպերատորների («Մագտիկոմ», «Ջեոսել» եւ «Բիլայն») սպասարկումներից օգտվողները իրենք են մուծելու բալանսի լրացման կոմիսիոն հարկը:

Կոմիսիոն հարկի չափը անհատականորեն սահմանվելու է շտապ լրացման յուրաքանչյուր ընկերություն: Դրա համար, «Մագտիկոմի» պարզաբանմամբ, հաշվի համալրումը առանց կոմիսիոն վճարումների կրկին հնարավոր կլինի այլընտրական վճարումների օգտագործմամբ (խոսակցական քարտեր, օպերատորների սերվիս կենտրոններ եւ օպերատորների կայք-էջեր):

ՄԱԳԻՍՏՐԱՏՈՒՎ. ՍԿՎԵՑ ԳՐԱՅՈՒՆԸ

Ապրիլի 5-ից սկսվեց մագիստրատուրայի ընդհանուր քննություններին մասնակցելու համար գրանցումը: Թեկնածուները կգրանցվեն ազգային քննությունների կենտրոնի կայքէջում: Համացանցում գրանցվելու համար անհրաժեշտ է ներկայացնել ինքնության հավաստագիրը եւ վճարել քննությանը մասնակցելու արժեքը: Ապրիլի 10-ին քննությունների կենտրոնում կկայանա բաց դռների օր: Ցանկացողները հնարավորություն կունենան ստանալ մանրամասն տեղեկատվություն քննությունների մասին: Գրանցումը կշարունակվի մինչեւ ապրիլի 25-ը ներառյալ:

ԳՈՒՄԱՐՆԵՐ՝ ՏԱՐԱԾԱՇՐՋԱՆԱՅԻՆ ՆԱԽԱԳԾԵՐԻ ԶԱՄԱՐ

Տարածքային զարգացման եւ ենթակառուցվածքի նախարարության տեղեկատվության համաձայն, տարածքային զարգացման 651 նախագծերի իրականացմանը կհատկացվի 201 միլիոն լարի: Վրաստանի մասշտաբով կիրականացվեն 271 տարբեր ծանապարհների շինարարական-վերակառուցման աշխատանքներ, 217 գյուղերում կլուծվի ջրի մատակարարման հիմնախնդիրը: Կկառուցվեն եւ կվերակառուցվեն 45 կամուրջներ եւ այլն: Ընդգրկված տարածաշրջանների թվում է նաեւ Սամցխե-Ջավախեթին, ուր նախատեսված է ծախսել 14.289.888 լարի, Քվեմո Բարթիլին 26.131.164 լարի, Շիդա Բարթիլին 16.509.155:

ԱԿՆԿԱԼՎՈՒՄ Է ՄԻՋԱԶԳԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ ՕԳՆՈՒԹՅՈՒՆԸ

Վրաստանի ֆինանսների նախարար Նոդար Խադուրին հաղորդել է, որ երկրի զարգացման ռազմավարության փաստաթղթի կապակցությամբ միջազգային ֆինանսական կազմակերպությունների ներկայացուցիչները ծանոթացել են ֆինանսների նախարարության մտահղացումներին:

«Մեր դոնարական կազմակերպությունները եղան շատ ակտիվ: Նրանք պատրաստ են մասնակցել փաստաթղթի մշակմանը: Հուլիս ունենք, որ համակարգված աշխատանքի արդյունքում կպատրաստենք լուրջ

փաստաթուղթ: Ենթադրվում է, որ այդպիսի հանդիպումներ կանցկացվեն եռամսյակը մեկ, որպեսզի դոնորների գործունեությունը չխանգարի միմյանց եւ անցկատ չնման կարելու որոշումները: Բացի դրանից, կշա-

րունակվեն երկ-կողմ հանդիպումները՝ նպատակ ունենալով քննարկել կոնկրետ հարցեր», - հանդիպումից հետո նշել է Խադուրին:



ԱՌՈՂՋԱՊԱՐՈՒԹՅՈՒՆ



ԶԱՆԳՎԱԾԱՅԻՆ ՊԱՏՎԱՍՏՈՒՄՆԵՐ ԿԱՐՄՐՈՒԿԻ ԴԵՄ

Ապրիլի 1-ից Վրաստանում սկսվել են զանգվածային պատվաստումներ կարմրուկի դեմ:

Այդ մասին հայտա-

այն կանցկացվի բոլոր տարածաշրջաններում:

Ջախաշվիլու հայտարարությամբ, փետրվարից կարմրուկի տարածումը վավերացվել է Վրաստանի ողջ տարածքում, թեպետ գրանցված 500 դեպքից 400-ը հանդիպել է մայրաքաղաքում: Նրա խոսքերով, դա ծանր հիվանդություն է, որը երբեմն հանգեցնում է մահվան: «Նման երկու դեպք ար-

դեն տեղի է ունեցել: Սույն պատվաստումը ներառված է երեխաների պատվաստման օրացույցում: Պատվաստումը բաց թողած մինչեւ 7 տարեկան երեխաներին, պետությունը հնարավորություն է տալիս այն կատարել անվճար: Պատվաստումը առնչվում է նաեւ այն անձանց, ովքեր չփվում են հիվանդների հետ եւ բուժանձնակազմին», - հայտարարեց Խաթունա Ջախաշվիլին:

Նշենք, որ կարմրուկի ամենամասշտաբային համաճարակը վավերացվել է 2005-2006 թվականներին:

ԹԲԻԼԻՍԻՈՒՄ ԿԱՐՄՐՈՒԿԻՑ ՄԱՅԱՑԵԼ Է ԵՐԿՈՒ ՄԱՐԴ, ԱՅԴ ԹՎՈՒՄ՝ ՄԵԿ ՏԱՐԵԿԱՆ ԵՐԵՒԱ

Վրաստանում կարմրուկի համաճարակից երկու մարդ է մահացել: Վրաստանի հիվանդությունների եւ հասարակական առողջության վերահսկման ազգային կենտրոնի ղեկավար Պաատա Իմնաձեն հայտարարել է, որ կարմրուկից մահացել են 11 ամսական մի աղջիկ եւ 19-ամյա երիտասարդ:

Նա ընդգծել է, որ կարմրուկը նպաստել է այդ մարդկանց մոտ առկա խրոնիկ հիվանդությունների զարգացմանը, հաղորդում է «Գրուզիա online»-ը:

Կենտրոնի տվյալներով, այս տարի Վրաստանում արդեն արձանագրվել է կարմրուկի 500 դեպք, որոնցից 400-ը՝ թբիլիսիում:

Բժիշկները հայտարարում են, որ կարմրուկի համաճարակը պայմանավորված է 2004-2005 թվականներին այդ հիվանդության դեմ պատվաստումների ձախողման հետ: Պետությունն իր վրա է վերցրել անվճար պատվաստման գործընթացը, որը պարտադիր պետք է անցնեն 6-30 տարեկան բոլոր քաղաքացիները:

ԾԽԱԽՈՏԵՂԵՆԸ ԿԹԱՆԿԱՆԱ

Ինչպես տեղեկացրել է աշխատանքի, առողջապահության եւ սոցիալական պաշտպանության նախարար Դավիթ Սերգեյենկոն, Վրաստանում ստեղծվել է ծխախոտի սպառման նկատմամբ վերահսկողության պետական հանձնաժողով:

«Առողջապահության նախարարության նախաձեռնությամբ, ստեղծվել է ծխախոտի սպառման նկատմամբ վերահսկողության պետական հանձնաժողով: Հանձնաժողովը կանխագծել է գործողության ծրագիրը, եւ մենք ձեռնամուխ ենք եղել դրա կատարմանը», - հայտարարեց նախարարը: Նրա խոսքերով, գործողության ծրագրի շրջանակներում նախատեսվում է Վրաստանում ծխախոտի արտադրանքի թանկացում:

«Մինչ այդ, այն (թանկացումը) պետք է համաձայնեցնել ֆինանսիստների եւ տն-

տեսագետների հետ: Դա ծխախոտի արտադրության համար չի լինի անսպասելի որոշում», - նշեց Սերգեյենկոն:

Գործողության ծրագիրը իր մեջ ներառում է նաեւ ծխախոտի դեմ պայքարի հարցերով առողջապահության համաշխարհային կազմակերպության շրջանակային հիմնադրույթի պահանջների հարմարեցումը Վրաստանի պայմաններին: «Գոյություն ունեն միջազգային հիմնադրույթ, որտեղ տրված է հիմնական ռազմավարությունը եւ հանձնարարականներն այն մասին, թե ինչպես պետք է գործել տվյալ պարագայում:

Վրաստանը միացել է այդ հիմնադրույթին, սակայն, ցավոք, դրա բոլոր պայմանները չէ, որ կատարվում են, չի իրականացվում վերահսկողություն», - հավելեց Սերգեյենկոն:

Նշենք, որ առողջապահության համաշխարհային կազմակերպության շրջանակային հիմնադրույթը Վրաստանը ստորագրել է 2004 թվականի, իսկ 2006-ին այն վավերացրել է:



ՆԱԽԱԶԵՆՈՒԹՅՈՒՆ

ՎԵՐԱՅՎՈՒՄ Է ՊԵՏԱՌԱՅՈՂՆԵՐԻ ՎԵՐԻՆ ՏԱՐԻՔԱՅԻՆ ՄԱՇՄԱՆԸ

«Վրացական երազանք»-ից պատգամավոր Դավիթ Օնոփ-րիշվիլին պատրաստել է «Պետական ծառայության մասին» օրենքում կատարվելիք ուղղումներ, որոնց համաձայն, վերացվում է պետական ծառայությունում գտնվելու վերին տարիքային սահմանը:

Նախագծի համաձայն, պետական ծառայության ընդունվելու ժամանակ անձին տրամադրվում է բժշկական-մարկոլոգիական ստուգման արդ-

յունքները ներկայացնելու հնարավորություն: Օրինագծով փոխվում է նաեւ աշխատողի ծառայական առաջարժման սկզբունքը: Մասնավոր-

րապես, ավելի բարձր պաշտոնի կարող է ներկայացվել այն ծառայողը, որը պետական ծառայության ընդունվել է մրցույթի հիման վրա եւ զբաղեցրած պաշտոնում աշխատել է առնվազն 1 տարի: Ծառայողին ավելի բարձր պաշտոնի կարող է ներկայացնել նրա անմիջական պետք կամ հիմնարկը:

Խորհրդարանում առաջին ընթերցմամբ քննարկվել են նաեւ «Վրաստանի հետախուզության ծառայության մասին» օրենքում եւ օրենսդրությունում կատարվելիք համապատասխան ուղղումները: Ըստ օրինագծի, երկրի նախագահի փոխարեն, հետախուզության ծառայությունը պետք է ենթարկվի վարչապետին:

ԴԻՍՈՐԴ -2013

ՆԱԽ՝ ՔՆՆՈՒԹՅՈՒՆՆԵՐԸ, ԱՊԱ՝ ԲՈՒՅԻ ԵՎ ՖԱԿՈՒԼՏԵՏԻ ԸՆՏՐՈՒԹՅՈՒՆԸ

(Սկիզբը՝ 1-ին էջում)

դիմորդը համձնելու է չորս քննություն: Դրանցից երեքը՝ վրաց լեզու եւ գրականությունը, ընդհանուր ունակություններն ու օտար լեզուն, պարտադիր են: Իսկ չորրորդ քննությունը ընտրվում է հետելյալ առարկաներից՝ գրականություն, մաթեմատիկա, պատմություն, աշխարհագրություն, քիմիա, ֆիզիկա, կենսաբանություն: Այսինքն՝ դիմորդն ընտրում է այն առարկան, որը պահանջվում է բուհի կոնկրետ ծրագրի համար:

Քննական մրցույթին մասնակցելու համար, դիմորդը պետք է հաղթահարի առարկայի իմացության նվազագույն մակարդակը կոնկրետ կրթական ծրագրի կողմից նշված բոլոր քննություններին, այսինքն՝ օտար լեզուների քննությանը ստանա առավելագույն միավորների 20 տոկոսից ավելին, իսկ մյուս քննություններին՝ առավելագույնի 25 տոկոսից ավելին, բացառությամբ հանրակրթական այն ծրագրերի, որոնց համար սահմանված է իմացության ավելի բարձր մակարդակ:

Ընթացիկ տարվա միասնական ազգային քննություններում ներդրվել են մի շարք եական նորամուծություններ: Մասնավորապես, միասնական ազգային քննություններին գրանցվելիս՝ դիմորդները հնարավորություն կունենան դրա ավարտից մի քանի ամիս հետո էլ փոխել ընտրված կրթական ծրագրերը, դրանց բանակությունը եւ հերթականությունը:

Դիմորդները կրթական ծրագրերի փոփոխումը (ավելացնել, հանել, հերթականության փոփոխումը) կարող են իրականացնել նաեւ քննություններից հետո՝ նախնական գնահատականները իմանալուց հետո, եւ սույն գործընթացը դադարեցվում է բողոքարկման դիմումների ընդունման ավարտի հետ միասին: Ըստ քննությունների ազգային կենտրոնի հայտարարության, նման համակարգը դիմորդներին իրականում ընտրության ավելի մեծ հնարավորություն է ընձեռում:

Կրկին աղերարառնալով դիմորդների գրանցման եւ բուհի ու մասնագիտություններ

րի ընտրության թեմային, Վրաստանի կրթության եւ գիտության նախարարության քննությունների ազգային կենտրոնի տնօրեն Մայա Միմինոշվիլին հայտարարեց, որ դիմորդներին բավականին ժամանակ է տրվում նտածված ընտրություն կատարելու համար, առավել եւս, որ տվյալների բազայում գրանցվում է վերջնական ընտրությունը:

«Ենթադրեմք դիմորդը չի հաղթահարում Ջավախիշվիլու անվան համալսարան ընդունվելու համար անհրաժեշտ 40 տոկոսի բնագիծը: Այդ դեպքում, նա հնարավորություն ունի ընտրել այլ բուհ, որտեղ տվյալ բնագիծը ավելի ցածր է», - հայտարարեց Մայա Միմինոշվիլին:

Կենտրոնի տեղեկատվությամբ, դիմորդները տրված ժամանակահատվածում պետք է ընտրեն համձնելիք քննությունները: Մինչեւ գրանցման ավարտը, դիմորդը պարտադիր կարգով պետք է ընտրի համձնելիք քննությունների ցուցակը, քննության լեզուն, քննությունների քաղաքը եւ այլն: Նշենք, որ, գրանցման ժամկետի սպառումից հետո, վերոնշյալ տեղեկատվությունը փոփոխման ենթակա չէ:

2013 թվականին դիմորդների կողմից ընտրվող ծրագրերի քանակությունը սահմանափակված չի լինի: Եթե 2012 թվականին նրանք կարող էին ընտրել 20 ծրագիր, ապա այս տարի կարող են նշել ցանկալի բոլոր ծրագրերը, որոնք համապատասխանում են նրանց կողմից համձնելիք քննություններին:

Վերոնշյալ փոփոխության նպատակը երկրորդական ընդունելության անհրաժեշտության վերացումն է: Նշենք, որ երկրորդական ընդունելությունը վերացվեց անցյալ տարի, ինչը քննությունների ազգային կենտրոնը պայմանավորեց նրանով, որ դիմորդները նախորդ կարող են ընտրել 20 ծրագիր եւ, եթե նա այդ ծրագրերից ոչ մեկում չի ընդգրկվում, ապա նրա ուսանող դառնալու մասին խոսակցությունն անիմաստ է: Այսպիսին էր մոտեցումը:

Նորամուծությունների թվին կարելի է դասել այն փաստը, որ այս տարի վերականգնվում է ծրագրերի վրա լրիվ կամ մասնակի

ֆինանսավորման համակարգը: Ինչպես հայտնի է, անցյալ տարի պետության կողմից 100 տոկոսանոց ֆինանսավորումը հնարավոր էր ստանալ միայն որոշակի ուղղություններով, մասնավորապես՝ իրավաբանականում, տնտեսագիտականում եւ միջազգային հարաբերություններում: Իսկ մյուս ուղղություններով, եթե դիմորդը ամենաբարձր միավորները չէր հավաքում, ընդհանրապես ֆինանսավորում չէր ստանում: Իսկ այս տարի դիմորդները, անկախ ընտրված ծրագրից, կարող են ստանալ ինչպես 100, այնպես էլ՝ 70 եւ 50 տոկոսանոց ֆինանսավորում, ընդ որում՝ 30 տոկոսանոց ֆինանսավորումը վերացվել է, եւ այդ գումարը ավելացվելու է 50 տոկոսով ֆինանսավորման համար հատկացվող գումարին:

Նորամուծություններից է նաեւ, որ կրթության եւ գիտության նախարարությունը լրիվությամբ կֆինանսավորի պետական բուհե-



րի հավաստագրված ուսումնական ծրագրերը առանձին ոլորտներում եւ մասնագիտություններում, որտեղ վերջին տասը տարիների ընթացքում մրցույթ, փաստորեն, չի եղել: Թեպետ առաջնահերթային ուղղություններում հայտնվեց նաեւ այնպիսի մասնագիտություն, ինչպիսին էր տնտեսագիտությունը, որտեղ մրցույթը միշտ բավականին բարձր է եղել:

ՅՈՐԻԻ ԽՈՐԵՆՅԱՆ

ԼՐԻՎՈՒԹՅԱՐ ԿՅԻՆԱՆՍԱՎՈՐՎԻ 17 ՄԱՍՆԱԳԻՏՈՒԹՅՈՒՆՆԵՐՈՎ ՈՒՄՈՒՅՈՒՄԸ

Պետական բուհերում, չորս տարվա ընթացքում, 17 մասնագիտություններով ուսանողների ուսուցումը բակալավրիատում լրիվությամբ կֆինանսավորվի: Կրթության նախարարության սույն նախաձեռնության մասին հայտարարեց գերատեսչության ղեկավար Գիորգի Մարգվելաշվիլին: Պետության կողմից ֆինանսավորվող մասնագիտությունների թվում են ագրոնոմիան, անասնաբուժությունը, կրթական գիտությունները, մանկավարժությունը, ինժեներական ֆիզիկան, էներգետիկան, էլեկտրահիմքների, շինարարությունը, մաթեմատիկան, ֆիզիկան, քիմիան, կենսաբանությունը, տնտեսագիտությունը, հնէաբանությունը, Վրաստանի պատմության մասնագիտությունը, վրաց բանասիրության մասնագիտությունը, փիլիսոփայությունը, ծարտարապետությունը:

Նախարարն իր խոսքում անդրադարձավ նաեւ առանձին մասնագիտությունների հավաստագրման վերացման հարցին: «Ինչպես հայտնի է, հատուկ գիտությունների, բիզնեսի եւ իրավունքի դպրոցի 119 ուսանողների մոտ ծագել են հիմնախնդիրներ՝ կապված հավաստագրման վերացման հետ: Դրանվարին այդ հիմնախնդիրը լուծվել էր. երկրորդ կիսամյակում ուսանողները շարունակեցին ուսումը սովորական կարգով: Թեպետ հիմնախնդիրը չլուծված է մնում այն 9 ուսանողների համար, ովքեր չօգտվեցին տեղափոխման իրավունքից: Նախարարությունը եւ համալսարանը ակտիվորեն աշխատում են այդ հարցի շուրջ»,- հայտարարեց Գիորգի Մարգվելաշվիլին:

Անդրադառնալով բուհերի հավաստագրման հարցին՝ կրթության նախարարը նշեց, որ ագրարային համալսարանի օրինակով ստուգման են ենթարկվում եւս 50 բուհ եւ շուրջ 2 հազար դպրոց:

ԱԿՑԻԱ

ՎԱՐՉԱՊԵՏԸ ՉԻ ՀԱՆԴԻՊԻ ՊԵՏԳՐԱՍԵՆՅԱԿԻ ՄՈՏ ՀԱՎԱՔՎԱԾ ՄԻ ԽՈՒՄԲ ԱՆԱԼՔԱԼԱՔՑԻՆԵՐԻ ՈՒ ՆԻՆՈՇՄԻՆԴԱՑԻՆԵՐԻ ՀԵՏ

ԱԿՑԻԱՅԻ ՄԱՍՆԱԳԻՏՆԵՐԸ ՀԱՆԴԻՊԵՅԻՆ ՊԱՍՏԱ ՉԱՔԱՐԵԻՆԵՎԻՈՒ ՇԵՏ

Ախալքալաքիի եւ Նինոծմինդայի մի խումբ բնակիչներ ապրիլի 5-ին թքիլիսիի կառավարության գրասենյակի մոտ պահանջում էին հանդիպում Վրաստանի վարչապետ Բիծինա Իվանիշվիլիու հետ:



Չնայած այդ պահանջին, Բիծինա Իվանիշվիլիու հետ հանդիպումը չկայացավ: Ինչպես news.ge գործակալությանը հայտարարեցին վարչապետի աշխատակազմից, նման հանդիպում ծրագրված չէ, եւ ընդհանրապես, վարչապետը չի կարող ընդունել գրասենյակի մոտ անցկացվող ցանկացած ակցիայի մասնակիցներին, քանի որ այլ գործերով զբաղվելու ժամանակ չի ունենա: Ելնելով վերոնշյալից՝ վարչապետի աշխատակազմը ակցիայի մասնակիցների պահանջը լուրջ չի համարում:

Վերոնշյալ հայտարարությունից հետո, գրասենյակի մոտ անցկացվող ակցիայի մասնակիցներին հանդիպեց Վրաստանի վերաինտեգրման հարցերով պետնախարար Պաստա Ջաքարիշվիլին:

Ակցիայի մասնակիցները նրան տեղեկացրին, որ տեղական իշխանության պաշտոններում շարունակում են մնալ «Ազգային շարժման» ներկայացուցիչները, եւ նրանք անարդարացի են բա-

ժանում կառավարության կողմից բնակչությանը հատկացված օգնությունը, այդ թվում՝ նաեւ գյուղատնտեսական քարտերը: Ակցիայի մասնակիցները պահանջում էին նաեւ Ախալքալաքիում «Վրացական երազանք-Ժողովրդավարական Վրաստան» կուսակցության շրջանա-

յին կազմակերպության հիմնում: Նրանց հայտարարությամբ, իրենք բողոքում են նաեւ տարածաշրջանում անջատողականության առկայության մասին հայտարարությունների առթիվ եւ ցանկանում են տարածաշրջանում ստեղծված իրավիճակի մասին իրատեսական տեղեկատվություն ներկայացնել Վրաստանի վարչապետին:

Պաստա Ջաքարիշվիլին վստահեցրեց, որ ստացված տեղեկատվությունն ինքը կհասցնի վարչապետին: «Ապրիլի 15-ին ծրագրում եմ լինել Ախալքալաքիում, անպայման կհանդիպեմք եւ կշարունակեմք քննարկումները, թե ինչ կարելի է անել երկրամասում առկա հիմնախնդիրների կարգավորման համար: Ինչ վերաբերում է անջատողականության սպառնալիքին, ապա անձամբ ես եւ մեր կառավարության մյուս անդամները հանդգնած ենք, որ նման վտանգ երկրամասում չկա», - հայտարարեց Պաստա Ջաքարիշվիլին:

ԿԼՈՐ ՍԵՂԱՆ

ՈԱԲԱԹԻ ԲԵՐԴ-ԱՄՐՈՑԻ ՆՈՐ ՎԵՐԱԿԱՌՈՒՑՈՒՄ

Վերջին ժամանակներում լուրջ բանավեճեր են ծագել Ախալցխիսի Ռաբաթի բերդ-ամրոցի վերակառուցման կապակցությամբ:

Հիշեցնենք, որ «Ազգային շարժումը» գործող իշխանությանը մեղադրում էր նրանում, որ այն ծրագրել է փակել Ռաբաթի բերդ-ամրոցը: Թեմային արծագանքել են ինչպես Վրաստանի նախագահի մամլո ծառայությունը, այնպես էլ՝ «Ազգային շարժման» գլխավոր քարտուղար Վանո Մերաբիշվիլին:

Մասնավորապես, Վրաստանի նախագահի մամլո խոսնակ Մանանա Մանջալաձեն իշխանություններին մեղադրեց վերակառուցված բերդ-ամրոցի ձեւափոխելու, ավելին՝ գրեթե այն քանդելու ցանկությամբ մեջ:

Իր հերթին, Վանո Մերաբիշվիլին հայտարարել է, որ իշխանությունները համոզեւ են գալիս բերդի արտաքին տեսքի փոփոխման առաջարկությանը: Ըստ Մերաբիշվիլու, «Տարածաշրջանն սկսեց վերածն-

վել, ավելացավ զբոսաշրջիկների հոսքը... Դա Ախալցխիսի ապագա զարգացման հիմքն է»:

Վրաստանի մշակույթի եւ հուշարձանների պահպանության նախարար Գուրամ Օդիշարիան նախագահի եւ «Ազգային շարժման» կողմից առաջադրած մեղադրանքներն անհիմն անվանեց: Նրա առաջարկությամբ, ապրիլի 5-ին Ռաբաթի բերդ-ամրոցի հնարավոր վերակառուցման կապակցությամբ նախարարությունում անցկացվեց կլոր սեղան:

Վանո Մերաբիշվիլին, կարճ ժամանակով ներկայանալով հանդիպմանը, անմիջապես հայտարարեց, որ թույլ չի տա բերդի ձեւափոխում եւ կիմնի Ռաբաթի պաշտպանության շարժում: «Ազգային շարժման» գլխավոր քարտուղարի հայտարար-



րությունը մշակույթի նախարար Գուրամ Օդիշարիան գնահատեց որպես «նեոբոլշեվիկյան»՝ նշելով, որ իրենք եկել էին ընդհանուր լեզու գտնելու:

Կլոր սեղանի մասնակից, մշակույթի նախարարության կողմից Ռաբաթի բերդ-ամրոց գործուղված խմբի ղեկավար Բետ Մացաբերիձեն հայտարարեց, որ բերդում ոչ մի ավերածություն չի կատարվում: «Մենք փորձում ենք կարգավորել վերակառուցումից հետո մնացած հիմնախնդիրները»,- հայտարարեց Բետ Մացաբերիձեն:

ՎԵՐԱԿԱՐԳԱՎՈՐՈՒՄ

ԿՎԵՐԱԿԱՌՈՒՅՎԻ ԲՆԱՊԱՀՊԱՆՈՒԹՅԱՆ ՆԱԽԱՐԱՐՈՒԹՅՈՒՆԸ

Վրաստանի խորհրդարանը երկրորդ ընթերցմամբ փոփոխություններ է կատարել «Վրաստանի կառավարության կառուցվածքի, լիազորությունների եւ գործունեության կանոնների մասին» օրենքում:

Ուղղումները նախատեսում են շրջակա միջավայրի պահպանության նախարարության վերակազմավորում: Ըստ փոփոխումների, նախարարության ենթակայությանն են վերադարձվում շրջակա միջավայրի տեսչությունը եւ քննչական ղեկարարությունը, որ մինչեւ վերջին ժամանակներս ենթարկվում էին էներգետիկայի նախարարությանը: Նախարարությունը դարձյալ կզբաղվի միջուկային եւ ճառագայթման անվտանգության հետ կապված հարցերով:

Վրաստանի շրջակա միջավայրի պահպանության նախարարությանը վերադարձվում է նախկին անվանումը՝ շրջակա միջավայրի պահպանության եւ բնական ռեսուրսների նախարարություն: Էներգետիկայի եւ բնական ռեսուրսների նախարարությունն այսուհետ կկոչվի էներգետիկայի նախարարություն:

Բնական ռեսուրսների պահպանության գործառնությունը էներգետիկայի նախարարությանն էր հանձնվել 2011 թվականի մարտին: